

۲۴ ایلول سنه ۱۳۳۱

نخستین

۲۷ ذی القعدة سنه ۱۳۳۳

DJÉRID I SOUFIE

Fonde en 1090

Organe Turc Fanislamique

Directeur Proprietaire.

HASAN KIAZIM

No. 114, le 9, 4 Octobre 1915

Adresse. Avenue de la S. Porte

Rue Eb us sonoud

جريدة الصوفية

شمديك اون بش كونده برنشر اولنور

صاحب امتياز و مدير مسئول حسن كاظم

تاريخ تأسيسی ۱۳۲۷ سنه هجري

ملت اسلاميه — امت عثمانيه ايجون مفيد اولان آثاره
صحيفه لر من آيقتدر درج ايدلميان اوراق اعاده ايدلمز

استانبولده باب عالي جوارنده ابوالسعود جاده سنده
نجم استقبال مطبعه سنده اداره خانه من اصحاب
مراجعه هرساعت آيقتدر

سنه لك اعتباريله ممالك شاهانه ايجون بشين
اوله رق ۴۰ التي ايللي ۲۵ غروش و ممالك

اجنيه ايجون ۱۲ فرانكدر .

تلفون نومروني : ۱۰۹۷

نسخه سي ۴ پاره در

تصوفي ، ديني ، اخلاقي ادبي ، سياسي جريده اسلاميه در

نومرو ۱۱۴

فلسفه

لوامع دن

ولا قبلها قبل ولا بعد بعدها . وتبلیة الابعاد فهي لها هم

بیوریور که مدامه مشارالیهادن اول نه قبل دنیلهجک بر زمان نده اوندن سوکره بعد دنیلهبیلهجک بر زمان واردر شو حالده بتون سوکره ، آخرله نسبتله قبل اولقی ، اول بولمقی صورت قطعیهده مدامه مذکورده به ثابت اولمشدر .

بیت مذکورده کی ضمیر مجردرلر عموماً مدامه به راجعدر .
(ولا بعد بعدها) قولى (ولا بعد بعدها بعد) تقدیرندهدر .

(ابعاد) فتح ایله بعدک جمیدر قبل وبعد اضافیاتدن اولمقله (قبله الابعاد) دن مراد ، هر برشیته اضافله کنیدیسه بعد دنیلهجک عموماً زمان نسبت اولدوقده قبل اعتبار اوله حق زماقدر .

(حتم) وجوب وجزم معنساندر . یعنی هر بر بعد نسبتله قبلیت مدامه مشارالیه به صورت قطعیهده ثابت اولمشدر . بو بیت ایله اشارت بیوریور که حضرت الهیه ، قیود مکان ایله تقیددن منز اولدینی کی قیود زمان آلتیه دخولندن مزهدر . بناء علیه هر شیته نظراً قبلیت مطلقه ، بعدیت مطلقه منحصرأ اوکا ثابت اولمشدر بوده ذاتاً بتون ازمنه بی احاطه واحده ایله محیط اولان حضرت دائمه دن عبارت بولنان ازلهدر . ازلیت ایچون دخی ماضی ، حال ، استقبال منصور دکلدبر .

(۳۰)

وعصر الی من قبله کان عصرها . وعهدا بینا بعدها ولها الیم

بیوریور که مذکور شراب نایک اوزومدن صیقلمی ، عصر اولمی مدت دهردن اول ایدی . وشو حالده پدریمز حضرت آدمک علیه السلام زمان عالیری دخی اوندن سوکره اولدیقتدن ذکر اولنان شرابه یتیمک صفیقهده ثابت اولمشدر .

(عصر) دهر و (الی) غایت معنسانه اولوب مباد خلق عالمدن الی غیرالهایه اولان زمان طویل وممتد مراد اولمشدر . (من قبله) ضمیری عصر سابقه و (عصر حق) ضمیریده مدامه به راجعدر العصر ، اوزوم صیقلق شیره سنی المقی معنسانه مصدر اولوب شیریه فیل بمعنی مفعول اولهرق عصر دنیلور مدامه نک عصری ، عصرینک غنندن تمیز ایدلمسندن کنایه اولوب بوراده آندن صور متلبه دن وجود حقل تمیزی مراد اولمشدر .

(عهد) التقاء ، معرفت ، زمان ، موتق وصیت معالریه اولوب بوراده (عهد انیا) قولندن مراد ، پا حضرت آدمک علیه السلام عهد نبوتی ویا مشارالیه دن اخذ اولنان یتاقدیر قال الله تعالی

واذا اخذ الله ميثاق التين لما آتيتكم من كتاب وحكمة ثم جاءكم رسول مصدق لما معكم لتؤمنن به ولتنصرنه الآية ياخود مشارالیه حضرت ترینتک ابناسی ایله اولان عهد درکه يوم یتاقدیر قال الله تعالی واذ اخذنا ربك من بنی آدم من ظهورهم ذریهم واشهدهم علی انفسهم الست برکم قالوا بلی الآية (بعدها) یعنی مدامه نک اغنا وغانید ملایسند زهورندن سوکره دیمکدرکه اشیا به اولان تلبی مراد اولمشدر . (الیم) یم یم ک مصدری اولوب یانک ضم وقتی جائزدر .

یتیمک انساندره بابانک مفقودی ، دیکرلرکده انا نک غیوبی ایله در یمک مدامه به نسبتی ، فنا روحدن کنایه در شویله که روح طبیعتله تابس ایتمدن اول ابتداء ظهورنده اوکا متلبس ایدی . صانکه روح اونک پدری ، طبیعت دخی مادری اولمشدی . سوکره روح و طبیعت ترکیندن عبارت اولان عالم حیوان و انسانده ظاهر اولوب انسان ، مجاهد سلوکه داخل اولدوقده پدری - که روح امری ایدی - فنا واضمحلال ایله بالتحقیق اولدی وکنیدیسی امری ، ونه بی تکالیف شرعیه ایله قائم اولمق ضرورتی ایچون عالم طبیعتده - که والده سنک آغوشیدر . یم قالدی اشته بو ، مقرب بالتواقل حدیث شریفنده کی (کنت سمعه الذی یسمع بر دبعصره الذی یتصرفه .. قولنک معنای اولوب ریسنک معرفته سلوکنده صادق ومعانی قربنده متحقق اولان سالکک حالیدر . قال الله تعالی ولا تقربوا مال الیم الا بالی فی احسن ... مال یم ، قوای طبیعیه واعضاء حسیه در . یعنی نفوس و ارواحک فاسندن سوکره او ای ایتیه یکیز دیمکدرکه عبد اوزرنده تکالیف شرعیه باقی قالسون ایچون شو صورتله مال یمه قربان نهی واقع اولمشدر .

اخطار : استطراد طریقله او سکنر یمه یازدیقم شرح و ترجمه بورده ختامبذیر اولدی .

مدرس

مابعدی وار کمال الدین خرپوتی

مجاهدات دینییه دن

§

(اشد البلاء علی الانیا ثم علی الاولیا ثم الامثل فالامثل ...)
کلام عالیسند نه بیوک بر حکمت اجتماعیه مندجدر .

بوراده بلایدن مقصد نفسه متعلق امال واجرا آت حسیه نک صاحب مورت اولدینی مصائب اولیوب بلکه خواص ناسک ابنای حیس اجد وارشا د حقنده اختیاریه مأمور و مجبور اولدینی مجاهدات فداکارانه دن متولد دواهی مراد ایدلدیکی میداندهدر .

غریبه سی جیقامرش ایدی. ذاتاً او عصرده کندیسی علمای اعلامدن کورن هر ذات بر مذهب ایجاد مراقه دوشمشدی .

مائل تفلسف و تجدداولان خلیفه نك توجهی - فصاحت و عذوبت کلامی ایله - ایودن ایوقازائمش اولان قاضی مومی الیه دخی حد ذاتنده امتالی آراسنده مرتبه تفرده اولدینی حالد بر صاحب مذهب صفتیلده اشتهار ایتمک ایچون شویله ناشیندن بر مذهب احدانه قاقشیدی . فقط نشر مذهب خصوصنده امثالک طوتدینی طریق برهان و تکلمی بر طرفه بر اقرارق مقام خلافتک نفوذی و جلالدرک سوط وسیفی استعمال ایتمک کبی منفور بر یوله سالک اولمسنه مبنی کندیسی یوزندن آیدیلان علما و مشایخ قائلینک وایقلان قیمتی جانلرک یالکیز وبال عظیمیله قالدی ، بهالوس بر خلیفه نك سیاست ظالمانه سیله اساسکیر اولان او مسلك باطل بر ربع عصردن زیاده بایدار اوله میهرق دیگر خلیفه نك امریله رفع والفا ایدلدی . . .

قاضی مومی الهک الک زیاده لسانندن و شهرت اجتهدیه سنندن قورقدینی ذات صاحب مذهب امام احمد ابن حنبل حضرتلری ایدی . ابن ابی دوداد معارضلرینک بر جوغنی یا تهدید ویا افنا ایله بر طرف ایتدیکی حالد یالکیز امامک چاره سنی بوله مامش ایدی . بر کون ناصلسه طرسوسده بولنان خلیفه مأمونی قاندریوب امام مشارالهی یارانی ایله برلکده مقیداً طرسوسه جلب ایچون امر نامه اصدار ایتدردی . رفقای محنتدن ایکسی ابتدای عزیمتده (کلام الله مخلوقدر) دهرک تخلیص کریبان ایتدیلمسده کندیسی ووفیق فداکاری محمد بن نوح - کبه کبی موضع حق و حقیقتده - ثبات ایتدکرندن بونلر جانلر کبی سوق اولندیلر . محمد بن نوح یولده عازم سوی آخرت اولدی .

او ائنده خلیفه مأمونک دخی وفاتی خبری ایشیدلمکله امام احمدک طرسوسه کوتورولسی تأخر ایتمش و مشارالیه موقه اطلاق ایدلش ايسهده خلیفه متوفانک وصیتنامه سیده اوغلی معتصمه (خالق قرآن) عقیده سنه کندی کبی صاریلوب نشرنده ثبات ایتمی وصیتی دخی ظهور ایتمکله جناب احمد تکرار اخذ و بند ایدیله رک دارالخلافه کوتورولدی . و اوراده خلیفه جدیدک اوغلی طرفندن ورای یردهدن خلیفه دخی دیکلیدیکی حالد استجواب اولندی .

امامک کلام الهی مخلوق اولیوب قدیم اولدینی حقیقی اوزرینه ثبات تامی مشهود اولنجه محبسه آتیلهرق اوراده اوتوز آی قدر انواع محرومیت و محنتلر ایچنده قیوراندیرلدی . اوتوز آی صکره ابن دودادک ناخی اولان اسحاق ابن ابراهیم خانه سنه جلب و صاحب خانه طرفندن تضییقاته ابتدار ایدلدی . اسحاق نتیجه کلام اولهرق : یا احمد والله امیر المؤمنین سنی سیف ایله اولدیرمه چک لکن عزم ایلشدر : قولنه اجابت ایتمه چک اولورسه ک سنی هر کون ضرب ایتدیرمه چک ، وضیاء دنیادن محروم یرلده اضطرار بدن اضطراره

ظلمات تاریخیه دن قوروب کله بر طاق منقولات اساطیری بی قالدیدن قالیه افراغ ایله ساده دلانی اغفال و کندیلرینه بند و اغلال ایتمکی صفت مخصوصه اتخاذ ایدن فالخی و منجم مقوله سی اهل ملاغوتک اسکیردن نقل ویا کندیلرندن ایلاذ ایلدکری اساسات باطله و ترهات استدراجیه ایله تمیه ایدلش اولان اقوام ابتدائیه نك معتقدات عنفویه سنی وجدانلرندن سوکرک یرینه حقایق علمیة الهیه دن مستنبط شرایع معقوله وصفی کبی بر وظیفه قدسیه بی دوش مسئولیتلرینه یوکلن پیغمبران عظامک پیشکاه عزملرنده نه کبی عظیم مشکلات و بلا یایی اقتحامله مکلف اولدقاری دوشونولسون . .

از جمله رسل کرامک خاتم و ائمی اولان حبیب خدا اله دمزک بر برندن اشد عقائد شیخیه ایله اعصار بشریتده کوکمر صامش اولان مشرکین ، یهود اصارا طوائف ثلاثه سیله بلا فاصله یکریمی اوج سنه - کرک محبت و برهان کرک سنجف و شان ایله اجرا ایلدیکی مجادلات و مناقشات دینییه اوئنده نه کبی مهالک و مخاطراته نه قدر تشنیعات واضطرارانه معروض قالمش و بوتون بو مهاجرله ناصل صارصلماز بر مکانت و ایمانه ظفر بولمش اولدینی و آنجق بویله مافوق البشر رحمت و صلابت سایه سننده نهایت الامر مجاهداتک غایه علویه سنه قاووشدینی تواریخ و سیردن امعان ایله مطالعه ایدیله چک اولورسه فاتحه مقالی توشیح ایدن کلام تالینک قائل نه قدسی بر حقیقتک ناطق اولدینی آکلاشیلور .

بوندن سوکره اولیا و اخیار امت کلیرکه بشریتک بو حزب جلیلی طرفندن دخی دعائم دینییه تشیید اوغورنده بذل اولنان فداکارلر ایله معروض قالنن دواهی و مصائب عبرت و ابتاه ایله او قونمه احراذر . شبه یوقدرکه بشریتک ادوار تکاملیه سننده مشعلکش هدا اولان اولوالعزم انبیا و اصفیانک نائل اولدقاری عظم شان و منزلت میدان مجاهدهده ملاقی اولدقاری محن و قنک شدتیه متناسب اوله کلشدر . القای آخرت عشق و سودا سیله حیات دنیایی استحقاق اولنلرک اوصاف عالیه سننددر . چونکه احراذر مخصوص حیات جاودانی انجق اولمدهن اول اولمکله اکتساب ایدیلور .

غایه اوغورنده وجودینک ، سعادت و اشراختک فدا سنی بیلمش ناصل کلیندن صایله ییلور . اونک ایچون بویوکلرمز دین یولده ، ابنای جنسک تعالیسی غیرتیه دوچار محنت اولمی کندیلرینه ذوق مخصوص بیلشدر و بوضفله براخلافه حسن مثال تشکیل ایتمشدر . بو مقدمه مناسبتیه عصر حاضرده کندیسه بیوک بر وظیفه مجاهده توجه ایدن امت عثمانیه نك صلاحیتدارانه بر نمونه امتالی اولق اوزره ائمه اربعه دن امام احمد ابن حنبل حضرتلرینک اجتهدات عالییه صفحاتندن بر صفحه سنی نقل ایدیوروز .

خلیفه مأمونک زماننده هجرتک ۲۱۲ سنده مقام خلافت قاضیسی احمد ابن ابی دوداد نام ذات اورتیه بر (مخلوقیت قرآن) مسئله

وانقض وصيته نسبت ايدەرك اورتلانغە قىتە سالماقچىلار دىمكە خليفەك
امام حقنەكى شفقى يە سويندى . وجلادلارە اوروك ذىہ امرالدى .
مرجلاد امامك جىلاق صيرتە ايكيش قىرپاج اوروردى . جلادار
اوردقە - امام الكز قوروسون دها حىزلى اوزوكز دير . بوصورتلە
كل ثبات اظهار ايدردى . اون طقوزى قىرپاج دن سوكرە مقصم
اياغە قالقەرق : يا احمد نچون نىسكە بو قدر ظلمى جائز كوريورسين .
والله بن سكا شفيقەم كل شو بزم ديدىكمزى سن دنى سويلەدە كندىكى
بو اشكنجەلردن خلاص ايله .

مابعدى وار . مصطفى نوري

شئونات

برسنەلك محاربه نك نتيجهسى

فرانقفورتر جايتوتق غزنىسى ۱ آغستوس تاريخى نىسخەسندە
بر سنە ظرفندەكى محاربه نك نتيجهسى اوزرىنە آتيدەكى ارقامى نشر
ايدىيور :

سفائى حربيە ضايعاتى :

آلمانىانك : ۹۵,۳۰۷ طنون

دشمنلرك : ۳۳۱,۸۷۰ طنون

سفائى تجاريە ضايعاتى :

آلمانىانك : ۲۵۵,۹۷۷ طنون

دشمنلرك : ۷۹۰,۰۰۰ طنون

اشبورقلر دشمنلرمزك آلتىق كندىلرينك رسماً اعتراف واعلان
ايتدىكلرى ضايعاتى كوسترييور حقيقى ضايعاتلرينك يوقايدەكى رقلردن
بك فضلە فرقى ارانە ايدەجكى شەهەسزدر .

آلمانىادەكى اسيرلر : ۲۸ موزدە جەمأ ۱,۹۰۰,۰۰۰ اولوب

بونلردن ۱,۵۱۸,۰۰۰ ى روس ؛ ۲۶۸,۰۰۰ ى فرانسز ؛ ۵۰,۰۰۰ ى

سرب ؛ ۴۰,۰۰۰ ى بلجىقالى ؛ ۲۴,۰۰۰ ى انكلز تشكيل ايدىيور .

روسلرك غاليچيادە وفرانسزلرك آلساس لوزندە متفق آوستريا

و آلمانلرك ممالكندن اشغال ايتدىكلرى اراضى ۱۰,۰۰۰ كيلو مترو

مربى قدر اوانسە مقابل آلمانلرك دشمندن اشغال ايتدىكلرى يرلر

تقريباً ۱۵۰,۰۰۰ كيلو مترو مربىنە بالغ اولمقدەدر . آلمانلر مختلف

چاپدە ۶۰۰۰ قدر طوب اغتنام ايتمشلردر . آلمانلر طرفندن فرانسەدە

اشغال اولنان اراضيدە : بتون فرانسەك معدن اوجاقلرينك يوزدە

۶۸,۸ ى ؛ وديمير معدن اوجاقلرينك يوزدە ۹۰ ى ، ديمير معمولاتنك

يوزدە ۸۵,۷۰ ى ، منسوجات صناينك ۶۸,۷ ى كە جەمأ مملكيتك

بتون صناينك يوزدە ۴۳ ى ايشلمكدەدر .

صوفىرق او صورتلە محوكى اتمام ايدەجك . ديدىكى حالە قوجە
امام ذرە قدر قور كتيرمىدى . بالمكس فكر اولندە ثابت اولديغى
ايهام ايتدى . بونك اوزرىنە بر مجرم كى اياغندە آغىر زنجيرلر
اولديغى و كمال ضمنندن زنجيرلرك تاثيرلە يوللردە مكرراً
يوزى قوين دوشمك رادەلرينە كلدىكى حالە يە ملوث دار
بر محبە القا اولدى . ايرتى كون - كە امامك اشكنجە كوردىكى
كونلردن ك حزين بر كون ايدى - زواللى ابن خنبل صباحلن
بو قايغىلرك اياقلرنە يابديغى يارەلرە تحمل ايدەمدىكندن سراويلك
اوجقورق چيقاروب يارەلرى اونكە باغلامغە مشغول ايكن بر مختضر
كلوب مشاراليسى الندن كليرك حضور خليفە كتوردى . احمد بن
بر ايله سراويلنى طومتقندە اولديغى حالە مجلس اميرالمؤمينه داخل
اولدى .

مقصم امامى بو بريشانى وعذاب ايچندە كورونجە بادى امردە
نہانى بر مرحمت حس ايتمكە اتور ا ديه بيلدى . سوكرە الحاح
وا كراہە باشلادى بونك اوزرىنە - ابن دواد دنى بالطبع اورادە
اولديغى حالە - مياندە اوزون ومزعج مباحثلر جريان ايتدى .
امامك ايمان رسى بر دورلو تزلزل ايتيوردى . ايرتى كون يە
مجلس مباحثيە كتيردى . و بر جوق تهديدات وتشنيعاتە معروض
طوتولدى ايسەدە حضرت امامدە عفى عزم عفى صلايت مشهود .
اوجى كونك كيجهسندە امامە بر كشف حال واقع اولدى :

يارين هريان تن اولهرق ميدان عقوبت وسياستە سوق اولمقلم
مقرردر ؛ بارى سراويلم محكم باغلى اولسون ديهرك زندان بكچيلردن
بر ايب ايتدى و اوى اوجقور اتخا ايتدى .

حقيقە ايرتى كوني حبسخانەدن آلتوب اللردن قيليج وقىرپاج
وسائر آلات عذاب بولنان بر كروه حشرات آراسنە كتيردى .
و اورادن عالمك تشيع وتحقيرى هيمانتە ترك ايدلى . فقط كندىسى
مئات متادەسيلە و اولانجە قوت وشديتيلە معارضينە مقابلەدە تصور
ايتيوردى . خليفە دنى بو منظرە رقت آورە شاهد اولانلر ميانندە
ايدى . امامك صوت بالاسنى وبيانات ملزمانەسى آرتق ديكلمەيە
تحملى تو كندىكى جەتلە (شونى غلبەلكدن سورويەرك چيقاركولباسنى
سلب ايدك) ديه امر ايتدى . جلادار اللرنە قىرپاج كلدىلر ، بونلر
امرە منتظر ؛ احمد ابن خنبل دنى قربانلق قوبون كى قضاي
ربانى قارشى متوكل . ابن دواد مرحمتسزىنك غيرتى چكن فسقە
ايسە - شونك صويولان البسنى ياقالم ... يوق ، كندىسى اولديرم
ياينارەسيلە اورتلانغە دھشتلى بر ولولە ويرمكدە . بر محترم مسلمانە
بى پروا ايدىان شو تجاروات بى ادبانەدن نوعما متأثر اولان خليفەك
امامە قارشى قلبى براز يومشادىغى كورن ابن دواد تلاش ايدەرك
- يا خليفە بو آدمى بوشلار ايسە كز بوتون تبەكز (باقك
خليفەمز بدري مامونك مذهبى ترك ايتدى) ديه سزى ضلالە